

**Тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық көмек көрсететін денсаулық сақтау субъектілерін есепке алуды жүргізу қағидаларын бекіту туралы**

Қазақстан Республикасы Денсаулық сақтау министрінің 2020 жылғы 6 қарашадағы № ҚР ДСМ-186/2020 бұйрығы. Қазақстан Республикасының Әділет министрлігінде 2020 жылғы 11 қарашада № 21619 болып тіркелді.

"Халық денсаулығы және денсаулық сақтау жүйесі туралы" Қазақстан Республикасының 2020 жылғы 7 шілдедегі Кодексі 7-бабының 67) тармақшасына сәйкес БҰЙЫРАМЫН:

1. Қоса беріліп отырған Тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық көмек көрсететін денсаулық сақтау субъектілерін есепке алуды жүргізу қағидалары бекітілсін.

2. Қазақстан Республикасы Денсаулық сақтау министрлігінің Міндетті әлеуметтік медициналық сақтандыруды үйлестіру департаменті Қазақстан Республикасының заңнамасымен белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты ресми жариялағаннан кейін Қазақстан Республикасы Денсаулық сақтау министрлігінің интернет-ресурсына орналастыруды;

3) осы бұйрықты мемлекеттік тіркегеннен кейін он жұмыс күні ішінде Қазақстан Республикасы Денсаулық сақтау министрлігінің Заң департаментіне осы тармақтың 1) және 2) тармақшаларында көзделген іс-шаралардың орындалуы туралы мәліметтерді ұсынуды қамтамасыз етсін.

3. Осы бұйрықтың орындалуын бақылау Қазақстан Республикасының Денсаулық сақтау Бірінші вице-министрі М.Е. Шорановқа жүктелсін.

Осы бұйрық оны алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қазақстан Республикасы  
Денсаулық сақтау министрі*

*А. Цой*

Қазақстан Республикасы  
Денсаулық сақтау министрі  
2020 жылғы 6 қарашасы  
№ ҚР ДСМ-186/2020  
бұйрығымен бекітілген

**Тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық көмек көрсететін денсаулық сақтау субъектілерін есепке алуды жүргізу қағидалары**

## **1-тарау. Жалпы ережелер**

1. Осы Тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық көмек көрсететін денсаулық сақтау субъектілерін есепке алуды жүргізу қағидалары (бұдан әрі – Қағидалар) "Халық денсаулығы және денсаулық сақтау жүйесі туралы" 2020 жылғы 7 шілдедегі Қазақстан Республикасы Кодексі (бұдан әрі – Кодекс) 7-бабының 67) тармақшасына сәйкес әзірленді және тегін медициналық көмектің кепілдік берілген көлемі (бұдан әрі – ТМККК) шеңберінде және (немесе) міндетті әлеуметтік медициналық сақтандыру жүйесінде (бұдан әрі – МӘМС) медициналық көмек көрсететін денсаулық сақтау субъектілерін есепке алуды жүргізу тәртібін айқындайды.

2. Осы Қағидаларда мынадай негізгі ұғымдар пайдаланылады:

1) әлеуметтік медициналық сақтандыру қоры (бұдан әрі – қор) – аударымдар мен жарналарды шоғырландыруды жүргізетін, сондай-ақ медициналық көмек көрсететін денсаулық сақтау субъектілерінің көрсетілетін қызметтерін медициналық көрсетілетін қызметтерді сатып алу шартында көзделген көлемдерде және талаптармен сатып алу мен оларға ақы төлеуді және Қазақстан Республикасының заңдарында айқындалған өзге де функцияларды жүзеге асыратын коммерциялық емес ұйым;

2) бірлесіп орындаушы – ТМККК шеңберінде және (немесе) МӘМС жүйесінде медициналық көмек көрсетуге үміткер денсаулық сақтау субъектілерінің дерекқорына (бұдан әрі – дерекқор) енгізілген, ТМККК шеңберінде немесе МӘМС жүйесінде медициналық көрсетілетін қызметтерді сатып алу шарты бойынша ТМККК-ны қосымша қамтамасыз ету бойынша қызметтерді сатып алу шарты бойынша қызметтер берушінің міндеттемелерінің бір бөлігін орындау үшін қызметтер беруші шарт жасасқан денсаулық сақтау субъектісі;

3) денсаулық сақтау инфрақұрылымын дамытудың өңірлік перспективалық жоспары (бұдан әрі - өңірлік перспективалық жоспары) – денсаулық сақтау ұйымдарының бұрыннан бар желісі, жоспарланып отырған қайта құрылымдау (ашу, біріктіру, жабу, қайта бейіндеу) жөніндегі ақпаратты, сондай-ақ денсаулық сақтаудың жаңа объектілеріне қажеттілік және инвестицияларды жоспарлау туралы ақпаратты көрсететін өңірдің инфрақұрылымын дамытудың ұзақ мерзімді жоспары;

4) денсаулық сақтау саласындағы уәкілетті орган (бұдан әрі - уәкілетті орган) - Қазақстан Республикасы азаматтарының денсаулығын сақтау, медицина және фармацевтика ғылымы, медициналық және фармацевтикалық білім беру, халықтың санитариялық-эпидемиологиялық саламаттылығы, дәрілік заттар мен медициналық

бұйымдардың айналысы, медициналық қызметтер (көмек) көрсетудің сапасы саласында басшылықты және салааралық үйлестіруді жүзеге асыратын орталық атқарушы орган;

5) денсаулық сақтау субъектілері – денсаулық сақтау ұйымдары, сондай-ақ жеке медициналық практикамен және фармацевтикалық қызметпен айналысатын жеке тұлғалар;

6) көрсетілетін қызметтерді денсаулық сақтау субъектілерінен сатып алу веб-порталы (Қағидаларға қатысты) – ТМККК шеңберінде және (немесе) МӘМС жүйесінде көрсетілетін қызметтерді денсаулық сақтау субъектілерінен сатып алудың электрондық көрсетілетін қызметтеріне бірыңғай қол жеткізу нүктесін беретін ақпараттық жүйе (бұдан әрі – веб-портал);

7) қызметтер беруші – қор немесе бюджеттік бағдарламалардың әкімшісі Кодекстің 7-бабының 62) тармақшасына сәйкес айқындатын ТМККК шеңберінде және (немесе) МӘМС жүйесінде медициналық көмек көрсету бойынша денсаулық сақтау субъектілерінен көрсетілетін қызметтерді сатып алу тәртібіне (бұдан әрі – Сатып алу қағидалары) сәйкес ТМККК шеңберінде немесе МӘМС жүйесінде медициналық көрсетілетін қызметтерді сатып алу шартын немесе ТМККК-ны қосымша қамтамасыз ету бойынша сатып алу шартын (бұдан әрі – көрсетілетін қызметтерді сатып алу шарты) жасасқан денсаулық сақтау субъектісі;

8) дерекқор – Қор осы Қағидаларға сәйкес қалыптастыратын ТМККК шеңберінде және (немесе) МӘМС жүйесінде медициналық көмек көрсетуге үміткер денсаулық сақтау субъектілерінің тізбесі;

9) ТМККК-ны қосымша қамтамасыз ету бойынша сатып алу шарты (бұдан әрі – көрсетілетін қызметтерді сатып алу шарты) – ТМККК шеңберінде медициналық көмек көрсетуді көздейтін, бюджеттік бағдарламалардың әкімшілері мен денсаулық сақтау субъектісі арасындағы жазба түріндегі келісім;

10) ТМККК шеңберінде немесе МӘМС жүйесінде медициналық көрсетілетін қызметтерді сатып алу шарты (бұдан әрі – көрсетілетін қызметтерді сатып алу шарты) – қор мен денсаулық сақтау субъектісі арасындағы ТМККК шеңберінде немесе МӘМС жүйесінде медициналық көмек көрсетуді көздейтін жазбаша нысандағы келісім;

11) цифрлық денсаулық сақтау субъектісі (Қағидаларға қатысты) – ақпараттық қауіпсіздікті қамтамасыз етуді және денсаулық сақтау субъектілерімен ұйымдастырушылық–әдістемелік жұмысты қоса алғанда, денсаулық сақтаудың ақпараттық жүйелерін ақпараттық-техникалық сүйемелдеу бөлігінде цифрлық денсаулық сақтау саласында қызметті жүзеге асыратын немесе қоғамдық қатынастарға түсетін заңды тұлға;

12) электрондық құжат – ақпарат электрондық-цифрлық нысанда берілген және электрондық цифрлық қолтаңба арқылы куәландырылған құжат;

13) электрондық цифрлық қолтаңба (бұдан әрі – ЭЦҚ) – электрондық цифрлық қолтаңба құралдарымен жасалған және электрондық құжаттың дұрыстығын, оның тиесілілігін және мазмұнының өзгермейтіндігін растайтын электрондық цифрлық нышандар жиынтығы.

## **2-тарау. Тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық көмек көрсетуді жүзеге асыратын денсаулық сақтау субъектілерін есепке алуды жүргізу тәртібі**

3. ТМККК шеңберінде және (немесе) МӘМС жүйесінде медициналық көмек көрсететін денсаулық сақтау субъектілерін есепке алуды (бұдан әрі – денсаулық сақтау субъектілерін есепке алу) қор жүзеге асырады.

4. Денсаулық сақтау субъектілерін есепке алу:

1) дерекқорды қалыптастыру және өзектендіру;

2) дерекқордан шығарылған денсаулық сақтау тізімін қалыптастыру және өзектендіру;

3) қызметтер берушілер тізімін қалыптастыру және өзектендіру;

4) бірлесіп орындаушы тізімін қалыптастыру және өзектендіру арқылы жасалады.

5. Қор дерекқорды қалыптастыруды денсаулық сақтау субъектілері дерекқорға енгізуге ұсынған өтінімдер және оларға қоса берілетін құжаттар (бұдан әрі – өтінім) негізінде тұрақты жүзеге асырады.

6. Дерекқорға енгізуге өтінімді денсаулық сақтау субъектісі ЭЦҚ-ны пайдалана отырып, веб-порталда электрондық нысанда береді.

Қызметтер беруші ретінде дерекқорға енгізуге өтінімді өңірлік перспективалық жоспарға енгізілген денсаулық сақтау субъектісі береді.

Филиалы, өкілдігі немесе өзге де оқшауланған құрылымдық бөлімшесі бар денсаулық сақтау субъектісі ТМККК шеңберінде және МӘМС жүйесінде қызметтер көрсетуге үміткер барлық бар өндірістік базаларды көрсете отырып, қызметтер беруші және (немесе) бірлесіп орындаушы ретінде өтінім береді.

7. Денсаулық сақтау субъектілері өтінімге мынадай құжаттарды қоса береді:

1) заңды тұлғаны мемлекеттік тіркеу (қайта тіркеу) туралы куәліктің көшірмесі (анықтама) (заңды тұлға үшін) немесе жеке кәсіпкер ретінде тіркеу куәлігінің көшірмесі (анықтама) және жеке басын куәландыратын құжаттың көшірмесі (жеке тұлға үшін);

2) денсаулық сақтау субъектісінің өндірістік базасының орналасқан жері бойынша тиісті медициналық қызметтер көрсету құқығын растайтын медициналық қызметпен айналысуға арналған лицензиялардың және оларға қосымшалардың көшірмесі.

8. Қор денсаулық сақтау субъектісі өтінім берген күннен бастап үш жұмыс күні ішінде қарайды және денсаулық сақтау субъектісін дерекқорға енгізу (енгізбеу) туралы шешім жасайды.

9. Қор өтінімді қараған кезде:

өтінімде көрсетілген деректерді оған қоса берілген құжаттардың деректерімен салыстырып тексеруді жүргізеді және оларды осы Қағидалардың 6 және 7-тармақтарының талаптарына сәйкестігі тұрғысынан қарайды;

денсаулық сақтау субъектісінің банкроттық немесе тарату рәсіміне қатысы жоқтығы бөлігінде банкроттық немесе тарату рәсімдерінің жүргізілуін бақылауды жүзеге асыратын уәкілетті органның интернет-ресурсында орналастырылған ақпаратты қарайды;

"Е-лицензиялау" мемлекеттік деректер қоры" ақпараттық жүйесінде лицензияның және оған қосымшалардың ұсынылған көшірмесіне тексеру жүргізеді;

өңірлік перспективалық жоспарда денсаулық сақтау субъектісінің бар-жоғына салыстырып тексеру жүргізеді.

10. Осы Қағидалардың 9-тармағына сәйкес өтінімді қарау нәтижелері бойынша қор денсаулық сақтау субъектісін:

осы Қағидалардың 6 және 7-тармақтарының талаптарына сәйкес болған кезде;

денсаулық сақтау субъектісі ұсынған құжаттардың және (немесе) олардағы деректердің (мәліметтердің) өтінімде көрсетілген деректерге сәйкестігін (анықтығын) белгілеу кезінде;

денсаулық сақтау субъектісі ұсынған құжаттардың және (немесе) олардағы деректердің (мәліметтердің) өтінімде көрсетілген деректерге сәйкестігін (анықтығын) белгілеу кезде;

денсаулық сақтау субъектісінде банкроттық немесе тарату рәсімінің жүргізілмеуі кезде;

денсаулық сақтау субъектінің лицензиясының және оған қосымшалардың "Е-лицензиялау" мемлекеттік деректер қоры" ақпараттық жүйесінің деректеріне сәйкес кезде дерекқорына енгізеді.

11. Қор осы Қағидалардың 9-тармағына сәйкес өтінімді қарау нәтижелері бойынша өтінімді қабылдаудан бас тартады және денсаулық сақтау субъектісіне осы Қағидаларға 1-қосымшаға сәйкес нысан бойынша ТМҚКК шеңберінде және (немесе) МӘМС жүйесінде медициналық көмек көрсетуге үміткер денсаулық сақтау субъектілерінің дерекқорына енгізуге өтінімнің қабылданбағаны туралы хабарламаны веб-порталда электрондық құжат түрінде:

осы Қағидалардың 6 және 7-тармақтарының талаптарына сәйкес келмеген кезде, денсаулық сақтау субъектісі ұсынған құжаттардың және (немесе) олардағы деректердің (мәліметтердің) өтінімде көрсетілген деректерге сәйкессіздігі (анық еместігі) анықталған кезде;

немесе денсаулық сақтау субъектісінде банкроттық немесе тарату рәсімдерін жүргізу кезінде;

немесе лицензия мен оған қосымшалар "Е-лицензиялау" мемлекеттік деректер қоры " ақпараттық жүйесіндегі деректерге сәйкес келмеген кезде жібереді.

12. Веб-порталда толассыз нөмірлеу беріле отырып, өтінімдерді автоматты түрде тіркеу жүргізіледі.

13. Қор осы Қағидаларға 2-қосымшаға сәйкес нысан бойынша ТМККК шеңберінде және (немесе) МӘМС жүйесінде медициналық көмек көрсетуге үміткер денсаулық сақтау субъектілерінің дерекқорын веб-порталында электрондық түрде қалыптастырады және қордың интернет-ресурсында орналастырады.

Денсаулық сақтау субъектісін дерекқорға енгізу денсаулық сақтау субъектісінің осы Қағидалардың, ТМККК шеңберіндегі және МӘМС жүйесіндегі медициналық көмекті көрсету бойынша сатып алу тәртібін, ТМККК шеңберіндегі және МӘМС жүйесіндегі денсаулық сақтау субъектілеріне қызметтерін төлеу және медициналық қызметтердің сапасы мен көлемі бойынша шарттың міндеттемелерін мониторинггеу тәртібін регламенттейтін нормативтік құқықтық актілердің талаптарын сақтауға келісімін білдіруі болып табылады.

Уәкілетті орган және денсаулық сақтауды мемлекеттік басқарудың жергілікті органдары өздерінің интернет-ресурстарында веб-порталда қалыптастырылған дерекқорға сілтемені көздейді.

14. Дерекқорға енгізілген денсаулық сақтау субъектілері дерекқорға енгізілген денсаулық сақтау субъектілері туралы ақпаратты қордан алған күннен бастап үш жұмыс күні ішінде цифрлық денсаулық сақтау субъектісі ұсынатын денсаулық сақтаудың ақпараттық жүйелеріне қол жеткізе алады ("Ресурстарды басқару жүйесі" және "Медициналық техниканы басқару жүйесі" ақпараттық жүйелеріне – барлық денсаулық сақтау субъектілері; "Бекітілген халық тіркелімі" порталына қосымша – медициналық-санитариялық алғашқы көмек көрсетуге үміткер денсаулық сақтау субъектілері).

Денсаулық сақтау субъектілері өз деректерін осы тармақтың бірінші бөлігінде көрсетілген денсаулық сақтаудың ақпараттық жүйелеріне оларға қол жеткізуді алған күннен кейін он жұмыс күні ішінде енгізеді, сондай-ақ деректерді тұрақты негізде өзекті жағдайда ұстайды.

Осы тармақтың бірінші бөлігінде көрсетілгендерден басқа, жұмыс істеу үшін қажетті басқа денсаулық сақтаудың ақпараттық жүйелеріне қолжетімділікті қор немесе бюджеттік бағдарламалардың әкімшісі көрсететін қызметтерді сатып алу шартын жасасқан денсаулық сақтау субъектілері және олардың бірлесіп орындаушылары алады

15. Дерекқорды өзектілендіруді қор тұрақты негізде жүзеге асырады және дерекқордағы мәліметтерді өзгертуді көздейді.

16. Денсаулық сақтау субъектілері дерекқордағы мәліметтер өзгерген күннен бастап бес жұмыс күнінен кешіктірмей дерекқорды жаңарту үшін растайтын құжаттарды қорға ұсынады.

17. Қор немесе бюджеттік бағдарламалардың әкімшісі дерекқордағы мәліметтердің өзгеру жағдайларын анықтаған кезде қор немесе бюджеттік бағдарламалардың әкімшісі дерекқордағы деректерді өзектендіру үшін растайтын құжаттарды ұсыну қажеттігі туралы денсаулық сақтау субъектісін жазбаша түрде хабардар етеді.

18. Қор осы Қағидаларға 3-қосымшаға сәйкес нысан бойынша ТМҚҚК шеңберінде және (немесе) МӘМС жүйесінде медициналық көмек көрсетуге үміткер денсаулық сақтау субъектілерінің дерекқорынан шығарылған денсаулық сақтау субъектілерінің тізбесін қалыптастырады.

19. Қор немесе бюджеттік бағдарламалар әкімшісі көрсетілетін қызметтерді сатып алу шартын бұзған дерекқордан шығарылған денсаулық сақтау субъектілерінің тізбесін қалыптастыруды мынадай жағдайларда қордың интернет-ресурсына сілтеме орналастыра отырып, веб-порталда жүзеге асырады немесе қордың интернет-ресурсында орналастырады:

1) денсаулық сақтау субъектісі таратылған немесе қайта ұйымдастырылған жағдайда (қажет болған кезде) және денсаулық сақтау субъектісін дерекқордан шығаруды көздейтін меншік нысаны немесе оның ұйымдық-құқықтық нысаны өзгерген өзге де жағдайларда жүзеге асырылады;

2) егер денсаулық сақтау субъектісінің қаржы-шаруашылық қызметі Қазақстан Республикасының заңнамасына сәйкес тоқтатыла тұрған жағдайда;

3) егер алдыңғы үш жылдың ішінде жасалған көрсетілетін қызметтерді сатып алу шартын қор немесе бюджеттік бағдарламалардың әкімшісінің орындамауына, уақтылы орындамауына не тиісінше орындамауына байланысты біржақты тәртіппен бұзған жағдайда;

4) егер алдыңғы үш жылдың ішінде жасалған көрсетілетін қызметтерді сатып алу шарты денсаулық сақтау субъектісінің бастамасы бойынша біржақты тәртіппен бұзылған жағдайда;

5) егер денсаулық сақтау субъектілері заңды немесе жеке тұлғаның қызметі туралы жалған мәліметтерді қамтитын дәйексіз деректерді және (немесе) ақпаратты ұсынған жағдайда;

6) сот шешімінің негізінде.

20. Осы Қағидалардың 19-тармағының 2) - 6) тармақшаларында көзделген негіздер бойынша дерекқордан шығарылған қызметтер беруші дерекқордан шығарылған күннен бастап үш жылдың ішінде дерекқорға қызметтер беруші және (немесе) бірлесіп орындаушы ретінде енгізілмейді.

21. Дерекқордан шығарылған денсаулық сақтау субъектілерінің тізбесін өзектендіруді қор немесе бюджеттік бағдарламалардың әкімшісі ұсынған, осы

Қағидалардың 19-тармағында көрсетілген жағдайлар бойынша оларды шығарудың қажеттілігін растайтын құжаттардың негізінде Қор тұрақты негізде жүзеге асырады.

22. ТМККК шеңберінде және (немесе) МӘМС жүйесінде медициналық көмек көрсету бойынша қызметтердің көлемін орналастырмаған денсаулық сақтау субъектілерінің тізбесін өзектендіруді қор немесе бюджеттік бағдарламалар әкімшісі ұсынған осы Қағидалардың 19-тармағында көрсетілген жағдайлардан басқа дерекқордан шығарылмайды.

23. Қор осы Қағидаларға 4-қосымшаға сәйкес нысан бойынша ТМККК шеңберінде немесе МӘМС жүйесінде медициналық көрсетілетін қызметтерді сатып алу шарттарын жасасқан қызметтер берушілердің тізбесін (бұдан әрі - қызметтер берушілер тізбесі) қалыптастырады.

24. Қызметтер берушілердің тізбесін қалыптастыру қордың интернет-ресурсына сілтеме орналастыра отырып, веб-порталда жүзеге асырылады немесе қордың интернет-ресурсында орналастырылады.

25. Қызметтер берушілердің тізбесін өзектендіру қор немесе бюджеттік бағдарламалар әкімшісінің қызметтер берушілермен жасасқан қызметтерді сатып алу шарттарының негізінде жүзеге асырылады.

26. Қор осы Қағидаларға 5-қосымшаға сәйкес нысан бойынша сатып алу қағидаларына сәйкес қызметтер берушілер бірлесіп орындау шарттарын жасасқан бірлесіп орындаушылардың тізбесін (бұдан әрі – бірлесіп орындаушылар тізбесі) қалыптастырады.

27. Бірлесіп орындаушылардың тізбесін қалыптастыру Сатып алу қағидаларына сәйкес көрсетілетін қызметтерді сатып алу шарты бойынша қордың немесе бюджеттік бағдарламалар әкімшісінің қызметтер берушісі міндеттемелерінің бір бөлігін орындау үшін бірлесіп орындаушылармен жасалған бірлесіп орындау шарттарының негізінде қордың интернет-ресурсында сілтемелерді орналастыра отырып, веб-порталда жүзеге асырылады немесе қордың интернет-ресурсында орналастырылады.

28. Бірлесіп орындаушылардың тізбесін өзектендіру қордың немесе бюджеттік бағдарламалар әкімшісінің қызметтер берушілер мен бірлесіп орындаушылардың арасында жасалған бірлесіп орындау шарттарының негізінде жүзеге асырылады.

29. Денсаулық сақтауды мемлекеттік басқарудың жергілікті органдары сондай-ақ өз интернет-ресурсында қызметтер берушілердің тізбесі туралы, дерекқордан шығарылған денсаулық сақтау субъектілерінің тізбесі туралы, веб-порталға немесе қордың интернет-ресурсына сілтемелерді орналастыру арқылы бірлесіп орындаушылардың тізбесі туралы хабардар етеді.

Тегін медициналық көмектің  
кепілдік берілген көлемі  
шеңберінде және (немесе)  
міндетті әлеуметтік  
медициналық сақтандыру



жүйесінде медициналық көмек  
көрсететін денсаулық сақтау  
субъектілерін есепке алуды  
жүргізу қағидаларына  
I-қосымша  
Нысан

**Тегін медициналық көмектің кепілдік берілген көлемі шеңберінде және (немесе)  
) міндетті әлеуметтік медициналық сақтандыру жүйесінде медициналық көмек  
көрсетуге үміткер денсаулық сақтау субъектілерінің дерекқорына енгізуге  
өтінімнің қабылданбағаны туралы хабарлама**

— ("Әлеуметтік медициналық сақтандыру қоры" КеАҚ-ның филиялының  
немесе бюджеттік бағдарламалар әкімшісінің атауын көрсету)  
тегін медициналық көмектің кепілдік берілген көлемі шеңберінде және (немесе)  
міндетті әлеуметтік медициналық сақтандыру жүйесінде медициналық  
қызметтер көрсетуге үміткер денсаулық сақтау субъектілерінің дерекқорын  
енгізуге арналған өтінімін \_\_\_\_\_ байланысты  
(ауытқу себебін көрсету)

20\_\_ жылғы " \_\_ " № \_\_ бұйрықпен бекітілген (Нормативтік құқықтық актілерді  
мемлекеттік тіркеу тізілімінде тіркелген, № \_\_\_\_\_) Тегін медициналық  
көмектің кепілдік берілген көлемі шеңберінде және (немесе) міндетті  
әлеуметтік медициналық сақтандыру жүйесінде медициналық көмек көрсетуді  
жүзеге асыратын денсаулық сақтау субъектілерін есепке алуды жүргізу  
Қағидалардың \_\_\_\_\_ тармағының негізінде қабылданбағаны  
(тармақтың нөмірін көрсету)  
туралы хабарлайды.

\_\_\_\_\_ ( "Әлеуметтік медициналық сақтандыру қоры" КеАҚ-ның филиялының атауы)  
Басшысы (ол уәкілеттік берген тұлға)

\_\_\_\_\_ (қолы, тегі, аты, әкесінің аты (бар болса))

Мөр орны (бар болса)

Толтырылған күні

Тегін медициналық көмектің  
кепілдік берілген көлемі  
шеңберінде және (немесе)  
міндетті әлеуметтік  
медициналық сақтандыру  
жүйесінде медициналық көмек

көрсететін денсаулық сақтау  
 субъектілерін есепке алуды  
 жүргізу қағидаларына  
 2-қосымша  
 Нысан

**Тегін медициналық көмектің кепілдік берілген көлемі шеңберінде және (немесе ) міндетті әлеуметтік медициналық сақтандыру жүйесінде медициналық көмек көрсетуге үміткер денсаулық сақтау субъектілерінің дерекқоры**

№ р/с	БСН (ЖСН)	Денсаулық сақтау субъектісінің атауы	Заңды мекенжайы	Өндірістік базаның орналасқан мекенжайы*	Денсаулық сақтау субъектісінің меншік нысаны	Деректер базасына енгізу күні
1	2	3	4	5	6	7

**Кестенің жалғасы**

Деректер базасынан шығарылған күні	Соңғы өзгеріс күні	Медициналық көмектің/ көрсетілетін қызметтердің түрі/ нысаны	Байланыс деректері (телефон нөмірі, электрондық мекенжайы)	Басшының тегі, аты, әкесінің аты (бар болса)	Денсаулық сақтау субъектісінің мәртебесі	
					Қызметтер беруші	Бірлесіп орындаушы
8	9	10	11	12	13	14

**Ескертпе:**

\* Медициналық қызметке арналған лицензияға сәйкес өндірістік базаның ( базалардың) мекенжайы (мекенжайлары) көрсетіледі.

Тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық көмек көрсететін денсаулық сақтау субъектілерін есепке алуды жүргізу қағидаларына  
 3-қосымша  
 Нысан

**Тегін медициналық көмектің кепілдік берілген көлемі шеңберінде және (немесе ) міндетті әлеуметтік медициналық сақтандыру жүйесінде медициналық көмек көрсетуге үміткер денсаулық сақтау субъектілерінің дерекқорынан шығарылған денсаулық сақтау субъектілерінің тізбесі**

БСН (ЖСН)	Денсаулық сақтау субъектісінің атауы	Өндірістік базаның мекенжайы	Денсаулық сақтау субъектісінің меншік нысаны	Деректер базасынан шығару күні

№ р/с	ЖСН )	субъектісінің атауы	Заңды мекенжайы	орналасқан мекенжайы *	субъектісінің меншік нысаны	шығарылған күні	мерзімінің тоқтатылған күні	Шығарылған себебі
1	2	3	4	5	6	7	8	9

Ескертпе:

\* медициналық қызметке арналған лицензияға сәйкес өндірістік базаның ( базалардың) мекенжайы (мекенжайлары) көрсетіледі.

Тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық көмек көрсететін денсаулық сақтау субъектілерін есепке алуды жүргізу қағидаларына  
4-қосымша  
Нысан

**20\_\_ жылға тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық қызметтерді сатып алу шартын жасасқан қызметтер берушілердің тізбесі**

№ р/с	БСН ( ЖСН )	Денсаулық сақтау субъектісінің атауы	Заңды мекенжайы	Өндірістік базаның орналасқан мекенжайы *	Меншік нысаны	Халыққа қызмет көрсетілетін өңір	Байланыс деректері ( телефон нөмірі, электрондық мекенжайы	Басшының тегі, аты, әкесінің аты (бар болса)	Қаржыландыру көзі		Медициналь көмектің/ көрсетілетін қызметтерді түрі/нысаны ____ жылға арналған медициналы қызметтерді сатып алу жоспарына сәйкес **
									ТМККК	МӘМС	
1	2	3	4	5	6	7	8	9	10	11	12

Ескертпе:

\* медициналық қызметке арналған лицензияға сәйкес өндірістік базаның ( базалардың) мекенжайы (мекенжайлары) көрсетіледі.

Тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде медициналық көмек

көрсететін денсаулық сақтау  
субъектілерін есепке алуды  
жүргізу қағидаларына  
5-қосымша  
Нысан

## қызметтер берушілер бірлесіп орындау шарттарын жасасқан бірлесіп орындаушылардың тізбесін

№ р/ с	БСН ( ЖСН )	Денсаулық сақтау субъектінің атауы	Заңды мекен-жайы	Өндірістік базаның орналасқан мекен-жайы *	Меншік нысаны	Байланыс деректері ( телефон нөмірі, электрондық мекенжайы	Басшының тегі, аты, әкесінің аты (бар болса)	Медициналық көмектің/ көрсетілетін қызметтердің түрі/нысаны
1	2	3	4	5	6	7	88	9

Ескертпе:

\* медициналық қызметке арналған лицензияға сәйкес өндірістік базаның ( базалардың) мекенжайы (мекенжайлары) көрсетіледі.